

სს „საქართველოს ნავთობისა და გაზის კორპორაცია“ (სნგკ)



სატენდერო დოკუმენტაცია

ავტოსატრანსპორტო საშუალებების ტექნიკური
მომსახურების სახელმწიფო შესყიდვა

CPV 50110000

1. შესყიდვის ობიექტი

1.1 სს „საქართველოს ნავთობისა და გაზის კორპორაციის“ კუთვნილი ავტოსატრანსპორტო საშუალებების ტექნიკური მომსახურების სახელმწიფო შესყიდვა (შემდგომში - მომსახურება).

2. საკვალიფიკაციო მონაცემების დამადასტურებელი დოკუმენტ(ებ)ი

2.1. შესყიდველის მიერ ერთიან ელექტრონულ სისტემაში ატვირთული წერილობითი მოთხოვნის საფუძველზე, პრეტენდენტი ვალდებულია უზრუნველყოს საკვალიფიკაციო მონაცემების დამადასტურებელი შემდეგი დოკუმენტაციის წარმოდგენა:

2.1.1 ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან, რომელიც ადასტურებს, რომ პრეტენდენტის მიმართ არ მიმდინარეობს ლიკვიდაციის/რეორგანიზაციის/გადახდისუუნარობის პროცესი;

2.1.2 ცნობა შესაბამისი უფლებამოსილი ორგანოდან პრეტენდენტის ქონებაზე საჯაროსამართლებრივი შეზღუდვის არარსებობის შესახებ;

2.1.3 ცნობა შესაბამისი უფლებამოსილი ორგანოდან სახელმწიფო ბიუჯეტის წინაშე დავალიანების არარსებობის შესახებ.

შენიშვნა:

- ამხანაგობის შემთხვევაში, 2.1.3. პუნქტით განსაზღვრული დოკუმენტაცია წარმოდგენილი უნდა იყოს როგორც ამხანაგობის, აგრეთვე მისი მონაწილეების შესახებ, ხოლო 2.1.1. და 2.1.2. პუნქტებით განსაზღვრული დოკუმენტაცია წარმოდგენილი უნდა იყოს მხოლოდ ამხანაგობის მონაწილეების შესახებ;
- არარეზიდენტმა პირებმა უნდა წარმოადგინონ თავიანთი ქვეყნის უფლებამოსილი ორგანო(ებ)ის მიერ გაცემული საკვალიფიკაციო მონაცემების დამადასტურებელი დოკუმენტები, რომლებიც უნდა პასუხობდეს 2.1.1, 2.1.2 და 2.1.3 პუნქტებით მოთხოვნილი დოკუმენტების შინაარსს. წარმოდგენილი დოკუმენტ(ებ)ს თან უნდა დაერთოს ნოტარიალურად დამოწმებული თარგმანი ქართულ ენაზე;
- აღნიშნული დოკუმენტები გაცემული უნდა იყოს ელექტრონული ტენდერის წინადადების მიღების დაწყების თარიღის შემდეგ; არარეზიდენტი პრეტენდენტ(ებ)ისათვის დასაშვებია წინადადების მიღების დაწყების თარიღამდე არაუგვიანეს 30 დღის ვადაში გაცემული საკვალიფიკაციო მონაცემების დამადასტურებელი დოკუმენტები;
- საკვალიფიკაციო მონაცემების დამადასტურებელი დოკუმენტების წარმოდგენლობის ან/და ხარვეზის მქონე დოკუმენტების წარმოდგენის შემთხვევაში, სატენდერო კომისია მოახდენს პრეტენდენტის დისკვალიფიკაციას.

3. მომსახურების განხორციელების ვადა და ადგილები:

3.1 მიმწოდებელმა უნდა უზრუნველყოს მომსახურების გაწევა ეტაპობრივად, ხელშეკრულების გაფორმებიდან 12 კალენდარული თვის განმავლობაში.

3.2 მომსახურება უნდა განხორციელდეს მიმწოდებლის სერვის-ცენტრებში ქ. თბილისში და შემდეგ ხუთ რეგიონში:

- ქართლის რეგიონი: გორი;
- კახეთის რეგიონი: თელავი ან/და გურჯაანი;
- იმერეთის რეგიონი: ზესტაფონი ან/და ქუთაისი ან/და სამტრედია;
- სამეგრელო-გურიის რეგიონი: ლანჩხუთი ან/და სენაკი ან/და ფოთი;
- აჭარის რეგიონი: ბათუმი.

4. შესყიდვის ობიექტის სავარაუდო ღირებულება, პრეტენდენტის წინადადების ფასი და ანგარიშსწორების პირობები

4.1 დანართი №3-ით განსაზღვრული პრეისკურანტების ჯამური სავარაუდო ღირებულება შეადგენს 275 758,00 ლარს. აღნიშნული მოიცავს კანონმდებლობით გათვალისწინებულ ყველა გადასახადს, მოსაკრებელსა და სახდელს, დღგ-ს ჩათვლით. ხელშეკრულების სავარაუდო მაქსიმალური ღირებულებას 130 000,00 ლარი. აღნიშნული ღირებულება მოიცავს მიმწოდებლის ყველა ხარჯს, დაკავშირებულს მომსახურების შესყიდველისათვის მიწოდებასთან, მათ შორის, კანონმდებლობით გათვალისწინებულ ყველა გადასახადს, მოსაკრებელსა და სახდელს, დღგ-ს ჩათვლით.

4.2 შესყიდვების ერთიან ელექტრონულ სისტემაში (შემდგომში - სისტემა) წინადადების ფასი დაფიქსირებულ უნდა იყოს ეროვნულ ვალუტაში, საქართველოს კანონმდებლობით განსაზღვრული ყველა გადასახადის გათვალისწინებით;

4.3 წინადადების ფასად განიხილება სისტემის მეშვეობით შესყიდვის ელექტრონული ტენდერის შესაბამის ველში დაფიქსირებული ფასი;

4.4 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული (პრეისკურანტის სავარაუდო ღირებულება) საბოლოო ფასი 20%-ით ან მეტით დაბალია შესყიდველის მიერ დაფიქსირებულ პრეისკურანტის სავარაუდო ღირებულებაზე, შესყიდველის მიერ განსაზღვრულ გონივრულ ვადაში (არაუმეტეს 10 (ათი) სამუშაო დღისა), პრეტენდენტი ვალდებულია უზრუნველყოს ფასწარმოქმნის ადეკვატურობის დასაბუთება (პრეტენდენტის მიერ წარმოდგენილი უნდა იქნას სსიპ „ლევან სამხარაულის სახელობის ექსპერტიზის ეროვნული ბიუროს" ან სხვა აკრედიტირებული პირის ან დამოუკიდებელი სერტიფიცირებული აუდიტორის მიერ გაცემული შესაბამისი დასკვნა (დასკვნასთან ერთად წარმოდგენილ უნდა იქნას დასკვნის გამცემი პირის აკრედიტაციის/სერტიფიცირების დამადასტურებელი მოქმედი დოკუმენტი), რომელიც ადასტურებს

პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

- იმ შემთხვევაში, თუ პრეტენდენტის მიერ არ იქნა წარმოდგენილი ან წარმოდგენილი დასაბუთება შემსყიდველის მიერ არ ჩაითვლება დამაკმაყოფილებლად, მოხდება პრეტენდენტის დისკვალიფიკაცია;

პრეტენდენტის მიერ წარდგენილი ფასწარმოქმნის ადეკვატურობის დასაბუთება დაზუსტებას არ ექვემდებარება.

4.5 ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას;

4.6 პრეტენდენტის მიერ მექანიკური შეცდომის დაშვების შემთხვევაში, როგორცაა არასწორი ჯამის ან ნამრავლის მითითება, სიტყვიერი და ციფრობრივი გამოსახულების შეუსაბამობა, შემსყიდველის მიერ ფასის განსაზღვრა შესაძლებელია ერთეულის ფასის უპირატესობის პრინციპის გათვალისწინებით. იმ შემთხვევაში, თუ აღნიშნული არ აღემატება სისტემის შესაბამის ველში დაფიქსირებულ ფასს;

4.7 პრეტენდენტმა უნდა წარმოადგინოს განფასებული პრეისკურანტები შემსყიდველის მიერ განსაზღვრულ სათადარიგო ნაწილებისა და მომსახურების ყველა სახეობაზე. წარმოდგენილი ფასი არ უნდა აღემატებოდეს შემსყიდველის მიერ პრეისკურანტებში მითითებულ თითოეულ პოზიციაზე სავარაუდო მაქსიმალურ ღირებულებებს. განფასებულ პრეისკურანტებში მითითებული მომსახურების ფასი უნდა მოიცავდეს კონკრეტული მომსახურების გაწევასთან დაკავშირებულ ყველა თანმდევ მომსახურების ღირებულებას. იმ შემთხვევაში, თუ პრეტენდენტის მიერ არ განხორციელდება პრეისკურანტის რომელიმე პოზიციის განფასება, აღნიშნული პოზიციის ღირებულებად ჩაითვლება ნული ლარი.

4.8 გამარჯვებულ პრეტენდენტთან ხელშეკრულება გაფორმდება ლარში;

4.9 ანგარიშსწორება მიმწოდებელთან წარმოებს ლარში, უნაღდო ანგარიშსწორების ფორმით, ეტაპობრივად, ფაქტიურად გაწეული მომსახურების შესაბამისად, ხელშეკრულებით განსაზღვრული დოკუმენტების წარმოდგენიდან არაუადრეს 8 და არაუგვიანეს 10 სამუშაო დღის ვადაში.

4.10 ელექტრონული ვაჭრობა გაიმართება პრეისკურანტის (დანართი №3) ჯამურ სავარაუდო ღირებულებაზე. პრეტენდენტის მიერ სისტემაში ატვირთულ პრეისკურანტის ჯამურ ღირებულებასა და მის მიერ სისტემაში დაფიქსირებულ ფასებს შორის სხვაობის შემთხვევაში, ფასთა კლება პროცენტულად და პროპორციულად უნდა აისახოს პრეისკურანტის მოცემული ჩამონათვალის ერთეულის ფასებზე. თუ ერთეულის ფასები დაჯდება მრავალნიშნა ათწილადად, პრეტენდენტი ვალდებულია აღნიშნული ფასები შეამციროს და დაამრგვალოს მეასედამდე, შესაბამისად შეამციროს პრეისკურანტის ჯამური ღირებულებაც.

5. ზოგადი პირობები

5.1 პრეტენდენტს უფლება აქვს წარმოადგინოს მხოლოდ ერთი სატენდერო წინადადება;

5.2 ელექტრონულ სისტემაში ატვირთული პრეტენდენტის მიერ შექმნილი ყველა დოკუმენტი ან/და ინფორმაცია ხელმოწერილი და ბეჭდვადამული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთული უნდა იქნეს მინდობილობა);

5.3 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში (დანართი №5), რომელიც ხელშეკრულების დადების მომენტისათვის შესაძლებელია დაზუსტდეს სატენდერო წინადადების შესაბამისად;

5.4 სატენდერო დოკუმენტაციით მოთხოვნილი, ერთიან ელექტრონულ სისტემაში ასატვირთი ყველა დოკუმენტ(ებ)ი წარმოდგენილ უნდა იქნეს ქართულ ენაზე; დოკუმენტების და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

5.5 ტენდერში ამხანაგობის მონაწილეობის შემთხვევაში, პრეტენდენტი ვალდებულია იმოქმედოს „გამარტივებული ელექტრონული ტენდერისა და ელექტრონული ტენდერის ჩატარების წესის“ 10¹ მუხლის მოთხოვნათა სრული დაცვით.

6. ინფორმაცია პრეტენდენტებისათვის

6.1 შემსყიდველი ორგანიზაცია ვალდებულია, კანონმდებლობით დადგენილი წესით, ერთიანი ელექტრონული სისტემის კითხვა/პასუხის მოდულის მეშვეობით, პრეტენდენტის მოთხოვნის შემთხვევაში, განახორციელოს სატენდერო განცხადებასთან და დოკუმენტაციასთან დაკავშირებით შესაბამისი დაზუსტება/განმარტება;

6.2 შემსყიდველ ორგანიზაციასა და პრეტენდენტს შორის ნებისმიერი მიმოწერა/შეტყობინების გაგზავნა ხდება სისტემის შესაბამისი მოდულის მეშვეობით და სისტემის გამოყენების გარეშე მიმოწერა/შეტყობინება სავალდებულო არ არის. მიმოწერა/შეტყობინება მიღებულად ჩაითვლება მისი სისტემაში ატვირთვის მომენტიდან;

6.3 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. თბილისი, კახეთის გზატკეცილი №21, მე-2 სართული, ოთახი 200; საკონტაქტო პირი: ჯაბა გურასპიშვილი: +995 (32) 224-40-40 (შიდა-220).

7. მოთხოვნები პრეტენდენტის მიმართ

7.1 პრეტენდენტმა ხელშეკრულების მოქმედების განმავლობაში ავტოსატრანსპორტო საშუალებების ტექნიკური მომსახურება უნდა უზრუნველყოს შემოთავაზებულ სერვის-ცენტრებში:

- ქ. თბილისში;
- ქართლის რეგიონი: გორი;
- კახეთის რეგიონი: თელავი ან/და გურჯაანი;
- იმერეთის რეგიონი: ზესტაფონი ან/და ქუთაისი ან/და სამტრედია;
- სამეგრელო-გურიის რეგიონი: ლანჩხუთი ან/და სენაკი ან/და ფოთი;
- აჭარის რეგიონი: ბათუმი.

7.2 პრეტენდენტს 7.1 პუნქტით განსაზღვრულ ქალაქებში/რაიონებში უნდა ჰქონდეს მინიმუმ ერთი სერვის ცენტრი, სადაც განხორციელდება ავტოსატრანსპორტო საშუალებების ტექნიკური მომსახურება. თუ პრეტენდენტს საკუთრებაში არ გააჩნია სერვის-ცენტრი, უნდა წარმოადგინოს სხვა სერვის ცენტრთან სამართლებრივი ურთიერთობის ამსახველი დოკუმენტ(ებ)ი (ხელშეკრულება, შეთანხმება ან სხვა ექვივალენტური დოკუმენტი, რომელიც გამოხატავს პირის ნებას აღნიშნული ტენდერით შესასყიდი მომსახურების განხორციელების თაობაზე). წარმოდგენილი დოკუმენტი მოქმედი უნდა იყოს მინიმუმ წინამდებარე ტენდერის ფარგლებში გაფორმებული ხელშეკრულების მოქმედების განმავლობაში;

7.3 პრეტენდენტს შემოთავაზებულ სერვის-ცენტრებში უნდა გააჩნდეს მომსახურების ჯეროვნად გაწევისათვის აუცილებელი ძირითადი და სათანადო მანქანა-დანადგარების საწარმოო სიმძლავრეები. პრეტენდენტს ქ. თბილისის სერვის-ცენტრში უნდა ჰქონდეს არანაკლებ 15 ბოქსი, აქედან 10 ავტომანქანის ამწევი მექანიზმით. ასევე, დაცული ფართი შემსყიდველის ავტომობილების პარკირებისთვის ხანგრძლივი მომსახურების გაწევის პერიოდში. პრეტენდენტს უნდა შეეძლოს ტექნიკური მომსახურების გაწევა ერთდროულად არანაკლებ 10 ავტომობილისათვის.

შენიშვნა: შემსყიდველი პრეტენდენტის ტექნიკური დოკუმენტაციის შერჩევა-შეფასების ეტაპზე, იტოვებს უფლებას, ადგილზე გადაამოწმოს პრეტენდენტის სერვის-ცენტრ(ებ)ის შესაბამისობა წინამდებარე სატენდერო დოკუმენტაციით განსაზღვრულ მოთხოვნებთან და შეუსაბამობის აღმოჩენის შემთხვევაში, მოქმედი კანონმდებლობის შესაბამისად, განხორციელოს მისი დისკვალიფიკაცია).

7.4 პრეტენდენტს 2014, 2015 და 2016 წლების განმავლობაში უნდა გააჩნდეს ავტოსატრანსპორტო საშუალებების ტექნიკური მომსახურების გაწევის გამოცდილება, რაზედაც თითოეულ წელზე უნდა წარმოადგინოს შესაბამისი დამადასტურებელი დოკუმენტ(ებ)ი (ხელშეკრულებ(ებ)ა და ამავე ხელშეკრულების მიღება-ჩაბარების დამადასტურებელი დოკუმენტ(ებ)ი).

7.5 2015 წლის 01 ნოემბრიდან აღნიშნული საქმიანობის გაწევიდან მიღებული, პრეტენდენტის შემოსავალი/ბრუნვა ჯამში არ უნდა იყოს 100 000 ლარზე ნაკლები.

8. პრეტენდენტის მიერ სისტემაში ასატვირთი ტექნიკური დოკუმენტაცია/ინფორმაცია

8.1 ინფორმაცია შემოთავაზებული სერვის-ცენტრების შესახებ, თითოეული რეგიონისა და მისამართის მითითებით (პუნქტი 7.1);

8.2 შემოთავაზებულ სერვის-ცენტრთან სამართლებრივი ურთიერთობის ამსახველი დოკუმენტ(ებ)ი (ასეთის საჭიროების შემთხვევაში, პუნქტი 7.2);

8.3 ინფორმაცია შემოთავაზებულ სერვის-ცენტრებში ე.წ. „ბოქსების“, ავტომანქანის ამწევი მექანიზმის რაოდენობის შესახებ. ასევე დამატებით, ქ. თბილისში ინფორმაცია პარკირების დამატებითი ფართის შესახებ (პუნქტი 7.3);

8.4 პრეისკურანტები, დანართი №3-ის შესაბამისად (პრეტენდენტის მიერ, „წინადადების მიღება დასრულებულია“ ეტაპზე, პრეისკურანტის წარმოდგენილობა ან არსებითად შეუსაბამო პრეისკურანტის წარმოდგენა, დაზუსტების მექანიზმის გამოყენების გარეშე გამოიწვევს პრეტენდენტის დისკვალიფიკაციას);

8.5 პრეტენდენტის რეკვიზიტები, დანართი №4-ის შესაბამისად;

8.6 გამოცდილების დამადასტურებელი დოკუმენტები: ხელშეკრულებები და ამავე ხელშეკრულების შესრულების დამადასტურებელი დოკუმენტები ან/და აღნიშნული დოკუმენტაციის შესახებ მითითება ერთიანი ელექტრონული სისტემის შესაბამის CMR/SPA/NAT ნომრებზე (პუნქტი 7.4).

8.7 შემოსავლის/ბრუნვის დამადასტურებელი დოკუმენტაცია (მაგ: მიღება-ჩაბარების აქტ(ებ)ი ან სხვა ნებისმიერი დოკუმენტი, რომლითაც დადასტურდება პრეტენდენტის მიერ ანალოგიური საქმიანობის განხორციელება და შესაბამისი თანხის ოდენობა (პუნქტი 7.5); ან/და აღნიშნული დოკუმენტაციის შესახებ მითითება ერთიანი ელექტრონული სისტემის შესაბამის CMR/SPA/NAT ნომრებზე.

8.8. აღნიშნულ დოკუმენტებზე ხელმოწერით და სისტემაში ატვირთვით პრეტენდენტი ეთანხმება სატენდერო დოკუმენტაციის, მათ შორის დანართი №1 - ტექნიკური დავალებით გათვალისწინებულ მოთხოვნებს. შესაბამისად, აღნიშნულზე სახელმოწიფო შესყიდვების ერთიან ელექტრონულ სისტემაში დამატებითი ინფორმაციის წარმოდგენა სავალდებულო არარის.

დანართი №1 - ტექნიკური დავალება

სს „საქართველოს ნავთობისა და გაზის კორპორაციის“ კუთვნილი ავტოსატრანსპორტო საშუალებების ტექნიკური მომსახურება

მიმწოდებელმა მომსახურების გაწევისას უნდა უზრუნველყოს:

- სათადარიგო ნაწილების შეკეთება ან/და შეცვლა;
- საცხებ-საპოხი მასალების შეცვლა;
- კომპიუტერული დიაგნოსტიკა;
- დიაგნოსტიკა (სავალი ნაწილი, ძრავი, ძაღოვანი აგრეგატები, ძარა);
- საბურავების დაშლა-აწყობა, შეკეთება-ბალანსირება;
- განშლა, ნახარის გასწორება;
- ალუმინისა და რკინის მასალის დისკების შეკეთება;
- სალონის შეკეთება (ტორპედო, კარები, საბარგული, ჭერი და სხვა);
- სამღებრო-სათუნუქე სამუშაოები;
- გასაჭიმი მოწყობილობა (რობოტი);
- ელ. სამუშაოები;

მომსახურების გაწევის ვადა თითოეულ შემთხვევაში არაუმეტეს:

- სავალ ნაწილებზე - ორი კალენდარული დღე;
- ელ. სამუშაოებზე - ერთი კალენდარული დღე;
- აგრეგატებზე - სამი კალენდარული დღე;
- სათუნუქე, სამღებრო, გასაჭიმი სამუშაოებზე - ათი კალენდარული დღე;
- ხანგრძლივი მომსახურების (ძრავის და სიჩქარეთა კოლოფის შეკეთება) გაწევისას - თხუთმეტი კალენდარული დღე;
- სათადარიგო ნაწილების შეკეთის შემთხვევაში სათადარიგო ნაწილებით უზრუნველყოფა - თხუთმეტი კალენდარული დღე;

- ✓ მიმწოდებელმა ზემოაღნიშნული მომსახურება უნდა განახორციელოს საჭიროების მიხედვით, შემსყიდველის მოთხოვნის შესაბამისად, მიმწოდებლის სერვის-ცენტრებში ქ. თბილისში და შემდეგ ხუთ რეგიონში:
 - ქართლის რეგიონი: გორი;
 - კახეთის რეგიონი: თელავი ან/და გურჯაანი;
 - იმერეთის რეგიონი: ზესტაფონი ან/და ქუთაისი ან/და სამტრედია;
 - სამეგრელო-გურიის რეგიონი: ლანჩხუთი ან/და სენაკი ან/და ფოთი;
 - აჭარის რეგიონი: ბათუმი.
- ✓ ავტომობილების მომსახურება გაწეული უნდა იქნას დაუყოვნებლივ, რიგგარეშე.
- ✓ ავტომობილის დაზიანებული ნაწილი უნდა შეიცვალოს ახალი ნაწილით ან/და შეკეთდეს შემსყიდველთან შეთანხმების საფუძველზე (მხარეთა შეთანხმების შემთხვევაში შესაძლოა მეორადი ან შეკეთებული ნაწილით შეცვლა, რომლის ფასიც დგინდება მხარეთა შორის შეთანხმებით საბაზრო ფასის გათვალისწინებით).
- ✓ მიმწოდებლის მიერ შეცვლილ ან/და შეკეთებულ სათადარიგო ნაწილებზე გარანტია უნდა ვრცელდებოდეს მინიმუმ 12 (თორმეტი) თვე, ნორმალური ექსპლუატაციის შემთხვევაში, გარანტია არ ვრცელდება სწრაფად ცვლად ავტონაწილებზე (ნათურები, დამცველები, სამუხრუჭე ხუნდები (სამუხრუჭე ხუნდები უნდა იყოს მაღალი ხარისხის, არ უნდა ცვდებოდეს მალე, არ აზიანდებდეს საყრდენ დისკებს და არ უნდა კარგავდეს თვისებებს გაცხელების შემთხვევაში), ზეთის, კონდენციონერის და ჰაერის ფილტრები); რაც შეეხება აკუმულატორს, მასზე გარანტია უნდა გავრცელდეს მინიმუმ 24 (ოცდაოთხი) თვე. აკუმულატორის საგარანტიო პირობა არ უნდა შეიცავდეს 6 თვეზე ნაკლები ინტერვალით გეგმიურ შემოწმებას.
- ✓ მიმწოდებლის მიზენით გამოწვეულ ნებისმიერ დაზიანებაზე (სამუშაო პროცესში ან არაჯეროვანი მომსახურების შედეგად მიმწოდებლის მიერ გამოწვეული სხვა დაზიანებები) პასუხისმგებლობა ეკისრება მიმწოდებელს. მიმწოდებელი ვალდებულია საკუთარი ხარჯით აღმოფხვრას აღნიშნული დაზიანება.
- ✓ იმ შემთხვევაში, თუ აღმოჩნდება რომ მიმწოდებლის მიერ არ არის სრულყოფილად შესრულებული მომსახურება და/ან შეცვლილი ნაწილი აღმოჩნდა წუნდებული, მიმწოდებელი ვალდებულია აღმოჩენილი ხარვეზი აღმოფხვრას საკუთარი ხარჯებით, მიმწოდებლის და შემსყიდველის მიერ შეთანხმებულ ვადაში;
- ✓ ავტოსატრანსპორტო საშუალებების მომსახურება უნდა განხორციელდეს მიმწოდებელსა და შემსყიდველს შორის თითოეულ კონკრეტულ შემთხვევაში ავტომატური დათვალისწინებისა და დეფექტური აქტის შედგენის შემდეგ, რომელშიც მითითებული უნდა იყოს გასაწევი მომსახურების ან/და ასეთი მომსახურებისათვის საჭირო

საქონლის (სათადარიგო ნაწილების) დეტალური აღწერა ავტომანქანის ყველანაირი ტიპის დიაგნოსტიკა უნდა იყოს უფასო.

- ✓ პრეტენდენტს შემოთავაზებულ სერვის-ცენტრებში უნდა გააჩნდეს მომსახურების ჯეროვნად გაწევისათვის აუცილებელი ძირითადი და სათადარიგო მანქანა-დანადგარების საწარმოო სიმძლავრეები. პრეტენდენტს ქ. თბილისის სერვის-ცენტრში უნდა ჰქონდეს არანაკლებ 15 ბოქსი, აქედან 10 ავტომანქანის ამწევი მექანიზმით. ასევე, დაცული ფართი შემსყიდველის ავტომობილების პარკირებისთვის ხანგრძლივი მომსახურების გაწევის პერიოდში. პრეტენდენტს უნდა შეეძლოს ტექნიკური მომსახურების გაწევა ერთდროულად არანაკლებ 10 ავტომობილისათვის.

შენიშვნა: შემსყიდველი პრეტენდენტის ტექნიკური დოკუმენტაციის შერჩევა-შეფასების ეტაპზე, იტოვებს უფლებას, ადგილზე გადაამოწმოს პრეტენდენტის სერვის-ცენტრ(ებ)ის შესაბამისობა წინამდებარე სატენდერო დოკუმენტაციით განსაზღვრულ მოთხოვნებთან და შეუსაბამობის აღმოჩენის შემთხვევაში, მოქმედი კანონმდებლობის შესაბამისად, განახორციელოს მისი დისკვალიფიკაცია).

- ✓ თუ ხელშეკრულების მოქმედების პერიოდში აღმოჩნდება, რომ გასაწევი მომსახურების ან/და რომელიმე სათადარიგო ნაწილის ფასი (მისი შესყიდვის აუცილებლობისას) არ არის გათვალისწინებული პრეისკურანტში, მაშინ მხარეები, მომსახურების დაწყებამდე, ადგენენ აღნიშნული მომსახურების ან/და სათადარიგო ნაწილის ფასს საბაზრო ფასის გათვალისწინებით. ასეთ შემთხვევაში პრეისკურანტში მომსახურების ან/და სათადარიგო ნაწილის რომელიმე ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.

დანართი №2 - ავტოსატრანსპორტო საშუალებების ჩამონათვალი

#	მარკა	სახელმწიფო ნომერი	გამოშვების წელი
1	ტოიოტა PRADO	VVU-128	2012
2	ტოიოტა Hilux	VVU-917	2012
3	ტოიოტა Hilux	VVU-910	2012
4	ტოიოტა PRADO	FXF-954	2011
5	ტოიოტა Land Cruiser 70	FCF-857	2011
6	ტოიოტა Hilux	CJC-715	2011
7	ტოიოტა Hilux	CJC-716	2011
8	ფორდი ტრანზიტი	VVU-014	2012
9	ტოიოტა PRADO	INA-223	2007
10	ტოიოტა PRADO	GZA-282	2007
11	ტოიოტა PRADO	FXF-953	2008
12	ტოიოტა Land Cruiser 105	IML-656	2006
13	ტოიოტა PRADO	GTR-556	1997
14	ტოიოტა Corolla	CQC-919	2011
15	ტოიოტა Corolla	PAJ-444	2011
16	ტოიოტა Corolla	ZDZ-323	2009
17	ტოიოტა Corolla	ZDZ-979	2009
18	ტოიოტა Corolla	ZDZ-989	2009
19	ტოიოტა Corolla	PKP-541	2007
20	ტოიოტა Hilux	NXN-421	2011
21	ტოიოტა Hilux	MDM-565	2008
22	ტოიოტა Hilux	VUV-524	2008
23	ტოიოტა Hilux	VUV-529	2008
24	ნისანი X TRAIL	XDX-449	2010
25	ნისანი X TRAIL	HDH-119	2010
26	ნისანი X TRAIL	GGG-202	2010
27	ნისანი პიკაპი	CSC-522	2010
28	ნისანი პიკაპი	HDH-118	2010
29	ნისანი პიკაპი	NJN-337	2010
30	ნისანი პიკაპი	NJN-338	2010
31	ნისანი პიკაპი	NJN-884	2010
32	ნისანი პიკაპი	NJN-885	2010
33	ნისანი პიკაპი	NJN-887	2010
34	ნისანი პიკაპი	NJN-889	2010
35	ნისან XTERRA	SKY-898	2000
36	ნისან PATROL	QQO-162	1999
37	მიცუბიში Montero Sport	GTR-651	1998
38	Mercedes-Benz (სატვირთო)	ACW-037	1986

39	ნოვა 21214	VVG-867	2013
40	ნოვა 21214	VVG-892	2013
41	ნოვა 21214	VVG-893	2013
42	ნოვა 21214	VVG-912	2013
43	ნოვა 21214	VVG-913	2013
44	ჰიუნდაი Accent	FFT-708	2013
45	ჰიუნდაი Accent	FFT-709	2013
46	ჰიუნდაი Accent	FFT-712	2013
47	ჰიუნდაი IX-35	CJC-943	2012

დანართი №3 - პრეისკურანტი

იხ. ცალკე მიმაგრებული ფაილი: პრეისკურანტები.

დანართი №4 - რეკვიზიტების ფორმა

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკის დასახელება:

ბანკის კოდი:

ანგარიშის ნომერი:

ხელმოწერა, ბეჭედი -----

დანართი № 5 - სახელმწიფო შესყიდვების შესახებ ხელშეკრულების პროექტი

(სახელმწიფო შესყიდვების შესახებ მოცემული ხელშეკრულების ფორმა და პირობები შესაძლებელია დაზუსტდეს ხელშეკრულების დადების მომენტისათვის მხარეთა მოლაპარაკების საფუძველზე)

ქ. თბილისი

, 2017 წ.

ერთის მხრივ, სს „საქართველოს ნავთობისა და გაზის კორპორაცია“ (შემდგომში - „შემსყიდველი“), წარმოდგენილი დირექტორის ფინანსურ საკითხებში დავით ვარდიაშვილის სახით, და

მეორეს მხრივ, ----- (შემდგომში - „მიმწოდებელი“) წარმოდგენილი დირექტორის ----- სახით,

იმ გარემოებიდან გამომდინარე, რომ 2017 წლის -- შემსყიდველის მიერ „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის “--” ქვეპუნქტის შესაბამისად გამოცხადებულ ტენდერში NAT-- გამარჯვებულად გამოცხადდა შპს ----- ფასით ----- ლარი დღგ-ს გარეშე, ვთანხმდებით შემდეგზე:

1. ხელშეკრულების საგანი

1.1. წინამდებარე ხელშეკრულების საგანია, დანართი №2-ით გათვალისწინებული შემსყიდველის ბალანსზე არსებული ავტომატქანების მიმდინარე ტექნიკური მომსახურების ან/და ასეთი მომსახურებისათვის საჭირო სათადარიგო ნაწილების ან/და საცხებ-საპოხი მასალების სახელმწიფო შესყიდვა (CPV 50110000; შემდგომში - „მომსახურება“).

1.2. მომსახურება განხორციელდება დანართი №2-ით (შემსყიდველის ბალანსზე არსებული ავტომატქანების ჩამონათვალი) გათვალისწინებულ ავტომატქანებზე, წინამდებარე ხელშეკრულების, დანართი №3-ითა (პრეისკურანტები) და დანართი №1-ით (ტექნიკური დავალება) გათვალისწინებული პირობების შესაბამისად. აღნიშნული დანართები თან ერთვის ხელშეკრულებას და წარმოადგენენ მის განუყოფელ ნაწილს.

2. მხარეთა უფლება-მოვალეობები

2.1. შემსყიდველი უფლებამოსილია მოსთხოვოს მიმწოდებელს ხელშეკრულებით ნაკისრი ვალდებულებების დროულად და სრულად შესრულება.

2.2. შემსყიდველი ვალდებულია, უზრუნველყოს შესაბამისი ანგარიშსწორება ხელშეკრულებით გათვალისწინებული პირობებითა და ოდენობით;

2.3. მიმწოდებელი უფლებამოსილია, მოსთხოვოს შემსყიდველს ხელშეკრულებით ნაკისრი ვალდებულებების დროულად და სრულად შესრულება.

2.4. მიმწოდებელი ვალდებულია, გაუწიოს შემსყიდველს ნივთობრივად და უფლებრივად უნაკლო მომსახურება და მასთან დაკავშირებული აუცილებელი დოკუმენტაცია;

3. მომსახურების გაწევის პირობები

3.1. მიმწოდებელმა უნდა უზრუნველყოს მომსახურების გაწევა ხელშეკრულების გაფორმებიდან -----, ეტაპობრივად, მხარეთა მიერ ყოველი კონკრეტული შემთხვევისათვის შედგენილი და შეთანხმებული შესაბამისი დეფექტური აქტის ან შეკვეთის საფუძველზე, რომელშიც აღინიშნება გამოსაცვლელი სათადარიგო ნაწილების, საცხებ-საპოხი მასალებისა და შესასრულებელი სამუშაოს შემადგენლობა, მოცულობა და შესრულების ვადები.

3.2. მიმწოდებელი მომსახურების გაწევას უზრუნველყოფს შემდეგ სერვისცენტრებში (შემსყიდველის არჩევანის შესაბამისად):

3.3. მომსახურების გაწევის შემდეგ, ყოველთვიურად (საანგარიშო თვის მომდევნო თვის განმავლობაში), მიმწოდებელსა და შემსყიდველს შორის ფორმდება მიღება-ჩაბარების აქტი, რომელსაც ხელს აწერენ მხარეთა მიერ უფლებამოსილი პირები. მიღება-ჩაბარების აქტს თან უნდა დაერთოს შესაბამისი დათვალიერების და დეფექტური აქტი. მიღება-ჩაბარების აქტს თან უნდა დაერთოს მიმწოდებლის მიერ გამოწერილი საგადასახადო ანგარიშ-ფაქტურა.

3.4. შემსყიდველი უფლებამოსილია უარი განაცხადოს 5 დღეზე მეტი დაგვიანებით ან/და უხარისხო მომსახურების მიღებაზე, ან/და შემსყიდველის ინსპექტირების ჯგუფის მიერ დაწუნებული იმ მომსახურების მიღებაზე, რომელიც არ შეესაბამება წინამდებარე ხელშეკრულებით გათვალისწინებულ მოთხოვნებს.

3.5. შემსყიდველის მიერ მოთხოვნის წარუდგენლობის შემთხვევაში მომსახურების გაწევისა და მიღების, ასევე ანგარიშსწორების უფლება-მოვალეობები არ წარმოიქმნება.

4. მომსახურების ხარისხი

4.1. მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს ამ სფეროში არსებულ სტანდარტებს და ტექნიკურ ნორმებს.

4.2. მიმწოდებლის მიერ შეცვლილ ან/და შეკეთებულ სათადარიგო ნაწილებზე გარანტია უნდა ვრცელდებოდეს მინიმუმ 12 (თორმეტი) თვე, ნორმალური ექსპლუატაციის შემთხვევაში, გარანტია არ ვრცელდება სწრაფად ცვეთად ავტონაწილებზე (ნათურები, დამცველები, სამუხრუჭე ხუნდები (სამუხრუჭე ხუნდები უნდა იყოს მაღალი ხარისხის, არ უნდა ცვდებოდეს მალე, არ აზიანებდეს საყრდენ დისკებს და არ უნდა კარგავდეს თვისებებს გაცხელების შემთხვევაში), ზეთის, კონდენციონერის და ჰაერის ფილტრები); რაც შეეხება აკუმულატორს, მასზე გარანტია უნდა გავრცელდეს

მინიმუმ 24 (ოცდაოთხი) თვე. აკუმულატორის საგარანტიო პირობა არ უნდა შეიცავდეს 6 თვეზე ნაკლები ინტერვალით გეგმიურ შემოწმებას.

4.3. თუ საგარანტიო პერიოდში აღმოჩნდება დეფექტები, რომლებიც გამორიცხავენ ავტომატების უსაფრთხო ექსპლუატაციას, მიმწოდებელი ვალდებულია, შემსყიდველის შეტყობინების მიღებიდან, შემსყიდველთან შეთანხმებულ გონივრულ ვადაში საკუთარი ხარჯით გამოასწოროს დეფექტი.

4.4. მე-4 მუხლში აღნიშნული გარანტია არ ვრცელდება შემსყიდველის მიერ ავტომატების შენახვის, მომსახურებისა და ექსპლუატაციის წესების დარღვევის, ასევე გარეგანი ზემოქმედების შედეგად (მექანიკური ზემოქმედება, არაკვალიფიციური მოპყრობა და სხვა) მიყენებულ ზიანზე.

4.5 მომსახურების გაწევის დროს, მიღება-ჩაბარების აქტის ხელმოწერამდე, ყველა რისკი ავტომატისადმი მიყენებულ ზიანზე ეკისრება მიმწოდებელს.

4.6 მომსახურების გაწევის შემდეგ მიმწოდებელი ვალდებულია დაუყოვნებლივ გადასცეს შემსყიდველს უფლებრივად და ტექნიკურად გამართული ავტომატისა.

5. ხელშეკრულების ღირებულება და ანგარიშსწორება

5.1. ხელშეკრულების სავარაუდო მაქსიმალური ჯამური ღირებულება შეადგენს ----- ლარს დღგ-ს გარეშე, (თუ ხელშეკრულების დადების მომენტისთვის მიმწოდებელი არის დღგ-ის გადამხდელი საქართველოს კანონმდებლობის მოთხოვნათა შესაბამისად, შესაბამისი საგადასახადო ანგარიშ-ფაქტურის წარმოდგენის შემთხვევაში მას აუნაზღაურდება დღგ-ს განაკვეთი ----- (-----) ლარის ოდენობით.)

5.2. ხელშეკრულების ღირებულება განისაზღვრება ფაქტიურად შესრულებული მომსახურების მიხედვით, მხარეთა შორის შეთანხმებული პრეისკურანტების საფუძველზე, რომელიც დანართი №3-ის სახით თან ერთვის წინამდებარე ხელშეკრულებას და წარმოადგენს მის განუყოფელ ნაწილს. დანართ №3-ში მითითებული ფასები შეიცავს მიმწოდებლის ყველა ხარჯს, დაკავშირებულს მომსახურების შემსყიდველისათვის მიწოდებასთან, მათ შორის, კანონმდებლობით გათვალისწინებულ ყველა გადასახადს, მოსაკრებელსა და სახდელს, დღგ-ს ჩათვლით.

5.3. თუ გასაწევი მომსახურების ან რომელიმე სათადარიგო ნაწილის ფასი (მისი შესყიდვის აუცილებლობისას) არ არის გათვალისწინებული დანართ №3-ში (პრეისკურანტი), მაშინ მხარეები, მომსახურების დაწყებამდე, ადგენენ აღნიშნული მომსახურების ან/და სათადარიგო ნაწილის ფასს საბაზრო ფასის გათვალისწინებით. ასეთ შემთხვევაში პრეისკურანტში ავტომატის მომსახურების ან/და სათადარიგო ნაწილის რომელიმე ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს პრეისკურანტის ჯამური ღირებულების 10%-ს. პრეისკურანტის ჯამური ღირებულება შეადგენს (.....) ლარს დღგ-ს ჩათვლით..

5.4. ანგარიშსწორების განსახორციელებლად საჭირო დოკუმენტებია:

ა) მიღება-ჩაბარების აქტი (ორმხრივად ხელმოწერილი);

ბ) საგადასახადო ანგარიშ-ფაქტურა (იხ. სატენდერო დოკუმენტაციის 5.1. პუნქტი).

5.5. ანგარიშსწორება მიმწოდებელთან წარმოებს ლარში, უნაღდო ანგარიშსწორების ფორმით, ფაქტიურად გაწეული მომსახურების შესაბამისად, ხელშეკრულების 5.4. პუნქტით განსაზღვრული დოკუმენტების წარმოდგენიდან არაუადრეს 8 და არაუგვიანეს 10 სამუშაო დღის ვადაში.

6. პასუხისმგებლობა და ხელშეკრულების პირობების შეუსრულებლობა

6.1. მიმწოდებელი იძლევა გარანტიას, რომ მის მიერ გაწეული მომსახურება შეესაბამება ხელშეკრულების პირველ და მე-4 მუხლებში მითითებულ კრიტერიუმებს.

6.1.1. იმ შემთხვევაში, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული 6.1. მუხლში მითითებული კრიტერიუმების შესაბამისი მომსახურების გაწევას შემსყიდველს უფლება აქვს დააკისროს მიმწოდებელს ხელშეკრულების ღირებულების 5% (მაგრამ არანაკლებ 200 ლარის) ოდენობის პირგასამტეხლოს გადახდა, რაც მიმწოდებელმა, შემსყიდველისაგან პირგასამტეხლოს დაკისრების თაობაზე წერილობითი შეტყობინების მიღების დღიდან, დაუყოვნებლივ, მაგრამ არაუგვიანეს სამი სამუშაო დღისა უნდა გადაიხადოს.

6.2. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად.

6.3. არაჯეროვანი მომსახურების გაწევის შედეგად შემსყიდველისთვის, ან მესამე მხარისათვის მიყენებული ნებისმიერი ზიანის ანაზღაურება ეკისრება მიმწოდებელს.

6.4. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

6.5. შემსყიდველი უფლებამოსილია, მომსახურების არაჯეროვნად შესრულების და/ან ხელშეკრულებაში მითითებული ვადების გადაცილების შემთხვევაში, დააკისროს მიმწოდებელს პირგასამტეხლო ყოველ გადაგადაცილებულ კალენდარულ დღეზე ხელშეკრულების ღირებულების 0,1%-ის ოდენობით.

6.6. გადახდის ვადის გადაცილების შემთხვევაში, მიმწოდებელი უფლებამოსილია, დააკისროს შემსყიდველს პირგასამტეხლო ყოველ გადაგადაცილებულ სამუშაო დღეზე, გადაუხდელი თანხის 0,1%-ის ოდენობით.

6.7. მიმწოდებლის მიერ ხელშეკრულების შეწყვეტის/მომსახურების გაწევაზე უარის თქმის შემთხვევაში, მიმწოდებელს დაეკისრება პირგასამტეხლო ხელშეკრულების საერთო ღირებულების 5%-ის ოდენობით. გარდა იმ შემთხვევებისა, როდესაც მიმწოდებელი ხელშეკრულებას შეწყვეტს ხელშეკრულების მე-11 მუხლის მე-2 პუნქტში მითითებული გარემოებების საფუძველზე.

6.8. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

6.9. მიმწოდებლის მიერ პირგასამტეხლოს გადახდა, საქართველოს სამოქალაქო კოდექსით გათვალისწინებული შემთხვევების გარდა, არ ათავისუფლებს მას წინამდებარე ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

7. მხარეთა პასუხისმგებლობისა და გათავისუფლება

7.1. მხარეები თავისუფლდებიან ვალდებულებების შესრულებისაგან ისეთი გადაუღებელი ფორს-მაჟორული გარემოებების დადგომისას, როგორც არის ომი, ხანძარი, სტიქიური უბედურებები, სახელმწიფო ხელისუფლების გადატრიალება, სახელმწიფო ორგანოს მიერ გამოცემული აქტი და სხვა პირობები, რომლებიც აფერხებენ და შეუძლებელს ხდიან მხარეების მიერ ამ ხელშეკრულებით გათვალისწინებული უფლება-მოვალეობების განხორციელებას.

7.2. მხარემ, რომელსაც შეექმნა ფორს-მაჟორული გარემოება დაუყოვნებლივ (ფორს-მაჟორული გარემოებ(ებ)ის დადგომიდან 24 საათის განმავლობაში) წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

7.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

7.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

8. ხელშეკრულების ინსპექტირების პირობები

8.1. შემსყიდველს ან მის მიერ წარმოდგენილ უფლებამოსილ პირს უფლება აქვს განახორციელოს გაწეული მომსახურების კონტროლი.

8.2. მიმწოდებლის მიერ სახელმწიფო შესყიდვის შესახებ ხელშეკრულების შესრულებაზე კონტროლს ახორციელებს შემსყიდველის მიერ შექმნილი ინსპექტირების ჯგუფი.

8.3. ინსპექტირების ჯგუფის ფუნქციებია:

8.3.1. მომსახურების მოცულობის, ხარისხისა და მიწოდების ვადების წინამდებარე ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება და შემსყიდველის მიერ უფლებამოსილების მინიჭების შემთხვევაში მიღება-ჩაბარების აქტებზე ხელის მოწერა;

8.3.2. მიღება-ჩაბარების აქტის გაფორმებამდე შეამოწმოს, სრულად არის თუ არა გაწეული ხელშეკრულებით გათვალისწინებული მომსახურება და უარი თქვას დაგვიანებით ან არასრულად გაწეული მომსახურების მიღებაზე და შესაბამის ანაზღაურებაზე.

8.3.3. წინამდებარე ხელშეკრულებით გათვალისწინებული ანგარიშსწორების პროცესის რეგულირება;

8.3.4. საჭიროების შემთხვევაში წინამდებარე ხელშეკრულების შესრულების მიმდინარეობის ამსახველი პერიოდული დოკუმენტაციის წარმოება და შენახვა;

8.4. მიმწოდებელი ვალდებულია, საკუთარი რესურსით უზრუნველყოს ინსპექტირების ჯგუფი შემოწმების ჩატარებისთვის აუცილებელი პერსონალით, ტექნიკური საშუალებებითა და სხვა სამუშაო პირობებით.

8.5. ყოველი გამოვლენილი ნაკლის აღმოფხვრასთან და ინსპექტირებასთან დაკავშირებული ხარჯების ანაზღაურება ეკისრება მიმწოდებელს.

9. ხელშეკრულებაში ცვლილებების შეტანა

9.1. ხელშეკრულების მონაწილე არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.

9.2. დაუშვებელია ხელშეკრულებაში იმგვარი ცვლილებების შეტანა, რომლის შედეგად შემსყიდველისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

9.2.1. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

9.3. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით შეთანხმების სახით, რომელიც თან დაერთება ხელშეკრულებას და ჩაითვლება მის განუყოფელ ნაწილად.

9.4. ხელშეკრულებაში შეტანილი ყველა ცვლილება იურიდიულ ძალას იძენს მხოლოდ მხარეთა მიერ მისი ხელმოწერის დღიდან.

10. ხელშეკრულების ძალაში შესვლა და მოქმედების ვადა

10.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს ----- ჩათვლით.

10.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.

11. ხელშეკრულების შეწყვეტა

11.1. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

11.2. ნებისმიერ მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინების გაგზავნის საფუძველზე, იმ შემთხვევაში თუ:

ა) რომელიმე მხარემ მთლიანად ან ნაწილობრივ დაარღვია ამ ხელშეკრულების პირობა;

ბ) ხელშეკრულების ერთ-ერთი მხარე სისტემატიურად არღვევს წინამდებარე ხელშეკრულების პირობებს;

გ) სსკ 398-ე მუხლით გათვალისწინებულ შემთხვევაში.

11.3. შემსყიდველი უფლებამოსილია ცალმხრივად შეწყვიტოს წინამდებარე ხელშეკრულება მისი მოქმედების ნებისმიერ ეტაპზე. ხელშეკრულება წყვეტს მოქმედებას შემსყიდველის მიერ გაგზავნილ შეტყობინებაში მითითებული ვადის შესაბამისად.

12. დავების გადაწყვეტა, მარეგულირებელი სამართალი

12.1. მხარეთა შორის წარმოშობილი ნებისმიერი დავა წყდება მხარეთა ურთიერთმოლაპარაკების გზით.

12.2. შეთანხმების მიუღწევლობის შემთხვევაში ყველა სადავო საკითხი წყდება საქართველოს სასამართლოში.

12.3. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

13. დასკვნითი დებულებები

13.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორ) ეგზემპლარად.

13.2. ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.

13.3. წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს წერილობით ან ელექტრონული ფოსტის მეშვეობით.

13.4. ხელშეკრულების არც ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

14. მხარეთა რეკვიზიტები და ხელმოწერები